

Chhuah fan: Oct., 1984

MARCH 2020

RAMTHAR



Mi thlarau hruai ila,
Kan lâwm zêl ang. KHB 586



MISSIONARY THAWK LAI, SHORT COURSE TRAINING MÊKTE
(Batch 19-na: January 16 - April 17, 2020)

Ding (Vei lam aʔangin): Ngurremtluanga Sallo, Lalremslama,
Robert Lalhlimpaia, C. Laldingliana, Lalthansanga Pachuau

Thu (Vei lam aʔangin): Lalramthari, K. Lalremmawii,
Lalramchuani, K. Vanlalruati, Elizabeth Zothanpari,
Lalngalhawml, Khupzawnhawl

SERMON

Ṭawngṭai - Ringtu Chakna...phêk 9 - 13

KUM 36-NA

MARCH 2020

BU 415

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2019 - 2021

Editor	: Rev. Thangzauva	9612950043 (M)
Joint Editors	: Upa Lalbiakenga Fanai	9436366234 (M)
	Upa Zoramthanga	9436362385 (M)
News Editor	: Pu John Lalhrualtluanga	8974864738 (M)
Cir. Manager	: Pu Lallawmnakima Hmar	8794905993 (M)
Publisher	: Rev. C. Zorammawia	8731071642 (M)

[Office hum chhuingin biak ni thei se]

Member-te

Rev. R. Lalchanglianaa	: Synod Moderator
Rev. Vanlalrova Khiangte	: Synod Secretary (Sr.)
Rev. K. Lalrinmawia	: Executive Secy., i/c Mission
Upa Dr. Lalnundanga	: BEC Member
Upa K. Lalthakima	: BEC Member

Thu chhuah tûr nei chuan Email - ramtharchanchinbu@gmail.com-ah emaw
lehlam chauhvah ziakin Editor emaw Cir. Manager, Ramthar Chanchinbu,
Synod Office, Aizawl, Mizoram (India) hnénah emaw thawn tûr a ni e.

Ramthar Chanchinbua thu chhuah hi a ziaktu mawhpurhna a ni.

SYNOD MISSION BOARD HOTUTE:

Rev. K. Lalrinmawia	Executive Secretary	9485140409
Rev. C. Zorammawia	Secretary	8731071642
Upa Lalbiakenga Fanai	Coordinator	9436366234

KUM KHAT LÂK MAN - ₹ 60/-

A CHHÜNGA THU AWMTE

1. Editor thukhawcháng	- 3
2. Keimahni	- 4
3. Rmthar hluttute huang	- 5
4. Field Chanchin Thar - Siliguri Field	- 6-9
5. Sermon	- 10-13
6. BUI HMUN AṬANGIN:	- 14-25
(1) Lalpan thil ropui min tihsak	
(2) Synod Mission Choir-te Arunachal N-ah	
(3) Siem Reap rawngbâwlna chanchin	
7. Ramthar Feh	- 26-32
8. Pa Darmingthanga kan chán tal	- 33-34

Editorial

KRISTIAN NUN KAWNG



Rev. Thangzauva

Kristian nun kawng hi \hu, kal, ding tih angin \hut hun, kal hun leh din hun a awm. Isaia chuan thlaa thlawh hun, tlàn hun leh ke-a kal hun angin a sawi (Isa 40:31). Sual kalsana thil \ha tih nun, hlau leh khùr chung pawha chhandamna thawh chhuah ngai, mahni sualna ngaidam lova mi dang ngaidam nun, mi dang rem nun, mahni aia mi dang \ha zâwka ruata, mahni aia Krista leh mi dang dah pawimawh zâwk nun a ni. Mite hmuhsit, nuihzat leh tlàwmna hmun a ni a, Kraws kawng zawh nun a ni.

Kristian nun chu Krista nghawngkaw l bâta (intulûta) zir nun a ni a; Paula pawhin Krista hnênah a zir (1 Kor 11:2). Krista hnên aia zirna \ha leh hlu zâwk a awm lo. Petera chuan, "...a hniaka in zuina tùrin entawn tùr a hnutchhiah che u," a tih chu tuarna a ni (1 Pet 2:21). Paula pawhin, '*Entawn tùr keini min nei*,' tiin a sawi; chu chu tuarna tho a ni. Kristian nun kawng hi chàna leh tawrhna anga sawi vek theih a nih laiin tawrhna hmun ngeiah pawh hlimna te, làwmna te, engthàwlina te a thleng \hìn. Bethlehem Kraws ata Kalvari Kraws panna kawngka zím, thlàn thim ata thawhlehna, a tàwpah vànram – chawimawia awmna a ni.

Kristian nun chu dai pawh ram, thawh chhuah ram, phurh chhuah ram, tawrh chhuah ram – chutah lungawi leh nun dân thiam zirna a ni – hausaa awm dân, retheia awm dân thiamna. Mahni thiam lohna pawma, '*Ka thiam lo a ni*', '*Min ngaidam rawh*', tih nun a ni. Krista leh a kohhran tána rinawmin dikna a vawng him a, Bible chu a nun teh dikna a ni. Mi dang tána malsàwm nun a ni.

Grêp hrui chu a rah tam leh zual nán a zárte chu an tan a, an hlâwi \hawt \hawt \hìn. A zár ro tan na lo mah se, a hring tan chuan a na hle. Mihring nuna kan chapona te, fel leh \ha leh thiam kan intihna te, kan induh vena zawng zawng te hian rah a chhuah thei lo. Tam leh zuala a rah theih nán grep zár chu tan chhum a ngai angin, mihring nuna sual péng tinréngte hi sah thlâk a ngai \hìn. Chutah nun thianghlim, rah tam leh zual chu ringtu nunah a lo lang \hìn.



K E I M A H N I

† TUARPUINA:

1) Pu Darhmingthanga (59), Office Assistant, Masihi Sangati Kendra, Bawngkawn chu ni 28.1.2020 khán Cancer avàngin a thi. (*Phêk 31&32-ah Chiang zâwkin...*).

2) Pu Lailiana (72), Zarkawt, Rev. Jimmy M.S. Dawngliana i/c Aizawl Central Bial (Masihi Sangati) pa chu ni 7.2.2020 khán Cancer avàngin a thi.

Ramthar Editorial Board-in lusún chhúngte a tuarpui tak zet a ni. Lalpan thlamuanin awmpui rawh se.

† CMC VELLORE-AH MISSIONARY NURSE DAH: NI. Lalnunmawii chu CMC Vellore-a Staff Nurse hna thawk tûrin *term khat* (2020-2022) chhúng atán ruat a ni. Ani hi Basirhat (Calcuta Field)-a SN thawk lai a ni.

† PATNA FIELD OFFICE SAWN DÁWN: Patna Mission Field Office chu Boring Road a'angin New Patliputra Colony-ah sawn tûra ruahmanna siam a ni. An insawna tûr ni mi mal In niin, a chung zâwka Office a awm ang a, a hnuaiah Field Secretary quarters a awm dâwn a ni.

† THAWKTU TIRHCHHUAH INKHÂWM:

Ni 19 January, 2020 (Pathianni) chawhnuah Thakthing Veng Kohhran Biak Inah Masihi Sangati Evangelist lâk thar, mi 16-te tirhchhuah inkhâwm hun hman a ni a. Rev. C. Zoramawia, Secretary, SMB-in tirhchhuahna hun a hmang a, Rev. K. Lalrinmawia, Executive Secretary-in thuchah a sawi.

Ni 2 February, 2020 (Pathianni) chawhnuah Chaltlang Kohhran Biak Inah missionary lâk thar, mi 40-te tirhchhuahna hun hman a ni baw. Rev. C. Zoramawia, Secretary, SMB-in inkhâwm a kaihuai a, Rev. K. Lalrinmawia, ES-in tirhchhuahna hun hmangin thuchah a sawi a, Upa Lalrinmuana, Secretary (Jr), Mizoram Synod-in tirhchhuahte lawng\aisakin hun a hmang.



March 2020

Ramthar

5

RAMTHAR HLUTTUTE HUANG

RAMTHAR CHANCHINBU HI

**Lalfamkima
Saitual**



Ramthar Chanchinbu hi a chhuah tih tē a langin ka sem a, Pathian hruainain tūn thleng hian chak lo tak chungin ka la sem ve ta zêl a ni. A chhuah hun hi nghâkhlel takin ka lo thlir \hìn a ni.

Ramthar Chanchinbu hian buh hmuna bung mék, missionary-te leh kohhranhote min thlun zawm a. Kohhranhote kan theihtâwp chhuahin sum leh pai séngin, lawnglaina nèn kan missionary-te kan ūm zui a. Missionary-ten an thawhna hmuna an harsatna leh an hlawhtlinna chanchin an rawn ziaak \hìn bawk a. Kohhranhovin lawnglaipui dân tūrte kan lo thiam phah \hìn bawk a ni. Pathian ram zauhna hmanraw pawimawh tak a ni.

Chanchin kan inhriat tawn loh hi Setana duh dân a ni. Missionary-te harsatna hi kohhran tìlangtu a ni a; rah duhawm tak an seng chanchin hi kohhran tiphûrtu a ni bawk. Hei hi Setana hian a hre Chiang hle. Missionary-ten Pathian hnathawh an hmuh pawhin mahni insitna avàng leh chapo, mahni intár lang nia miten an ngaih an hlauh avàngin an ziaak lo \hìn niin a lang. Pathian hnathawh ropui tak tak eng emaw zât chu puanzâr lohvin a thâm ral fo va, a uiawm tak zet a ni.

Eng pawh ni se, chanchin kan inhriat tawna atán thu rawn ziaaktu missionary te, sermon \ha tak ziaaktu te, ramthar tlawh chanchin ziaaktu te leh chanchinbu enkawltu te chungah Pathian hmingin làwmthu ka sawi a ni. Missionary-te pawhin Pathian hnathawh ropui chanchin emaw, in rawngbàwlnaa harsatna emaw pawh insúm lovin han ziaak zêl teh u khai. Mi dangte pawhin i chhunzawm zêl ang u.

Ramthar Chanchinbu vul zêl rawh se.



FIELD CHANCHIN THAR SILIGURI MISSION FIELD

Rev. Lalhruaitluanga Ralte
Field Secretary



Siliguri Mission Field rawngbàwlina hian North Bengal Area a District 5 bâkah Sikkim leh Bhutan ram te a huam a. Hêng hmunah te hian lawnglaina nèn theihtâwp chhuahin hma kan la mék a. North Bengal Area lam District hrang hranga kan hma lâknaah hian Missionary 54 leh Field Worker 25 zet kan thawk mék a ni. Sikkim State-ah hian Evangelical Presbyterian Church, Sikkim (EPCS) te nèn thawk hovin, a ram mi thawktu pariat kan ruai mék bawk a. Bhutan ram lamah pawh Native Worker pariat ruain, theihtâwpin hma kan la mék bawk.

Kan hma lâkna lian ber pakhat North Bengal Area-a District hrang hrangah hian a theih dân kawng hrang hrangin rawngbàwlina kan kalpui mék zêl a. Nepali-ho zînga kan rawngbàwlina - Darjeeling District leh Kalimpong District (tláng ram) lam hi hma lâk chak a har hle a. Ringthar neih zung zung a har hle. Hnam anga inthlun khâwmna (*Samaj*) nghet tak an neih zêl avàngin Lal Isua ringtu niha, Baptisma chan hial duh vete pawh hian *Samaj* mitmei an vèn \hîn avàngin, chumi pal tlang chu harsa an ti \hîn a ni. Chuti chung chung chuan kan thawktute hian theihtâwp chhuahin Lal Isua Chanchin | ha hi an hril zêl a, a khát tâwk chuan hêng Area lamah pawh hian ringthar chu kan nei ve zauh zauh tho mai. Preaching Station leh Fellowship pawh kan nei nual tawh a ni.

Phaizawl (*Plain Area*) lama kan hma lâkna hi ringthar pawh kan neih tamna lam a ni a. Hnam hrang hrang – Bengali, Nepali, Bihari, Rajbongsi leh Adivasi hote inchèn pawlhna hmun a ni hlawm. Hêng hmunah te hian harsatna tâwk lovin zalèn takin Chanchin | ha

March 2020

Ramthar

7

kan hril thei a. Member \hahnem tak kan nei tawh a, Preaching Station leh Fellowship eng emaw zât kan nei tawh baw k a ni.

Hmanraw hrang hrang hmangin Chanchin | ha kan hril a. Bial chhúnga thawktuten a huhovin Bial huap feh chhuah (*prachar*) te, Group *prachar* te an nei a. A thlâwna inentírna (Free Medical Clinic) te buatsaihin, kan Missionary Nurse-ten damlo an enkawl a, damdawi te pawh a \ûl angin an pe \hìn a. Damlo tlawh ngaite pawh an in lam thlengin a \ûl angin an tlawh chhuak baw k \hìn. Mipui lo kal khâwmte en tùrin Kristian Film \ha tak takte Projector hmanga entír an ni \hìn a. Kan thawktuten lo kâwmin, a \ûl angin an lo \awng\aisak baw k \hìn.

Craft Centre lamah Puan \hui zirna kan buatsaihin a, ni tin zir laite hnênah Lal Isua Chanchin | ha kan hrilh baw k \hìn a. Kum 2020-ah hian Craft Centre pakhat dang hawn belh lehìn, hmun li-ah Puan \hui zirna hi kan kalpui dâwn ta a ni. Non-Formal Education Programme hi a ti thei tùrte infuih thar zêlin hmun hrang hrangah kan kalpui zêl a. A tlângpuiin sikul naupangte a thlâwna zirtír (Free Tuition Class) \hìn an ni a. An nu leh pate hmél hriat nán te, naupangte hnêna Chanchin | ha hril nán te a \angkai hle. Khawtláng ang pawhin hmun \henkhatah chuan an hlut hlein a lang baw k.

Kan Field hma lâkna lian tak dang pakhat chu Bhutan rama Chanchin | ha hril hi a ni. Ram dang (foreign) a nih avàngin leh Buddhist-ho hmun pui, Kristianna la dawngsawng \ha duh lo ram an nih avàngin hma lâk chak chu a har khawp mai. Chuti chung chung chuan kan hma lâkna te Pathianin mal a sàwm a, Bhutan ram chhúngah hian member 551 zet kan nei ta reng mai!

Kum 2019 chhúng khan ringthar pawh Bhutan chhúng bîkah hian 28 zet kan nei nghe nghe a. Missionary te intír lût thei lo mah ila a ram mi (Bhutanese) thawktu mi pariat zet kan nei tawh a. Fellowship pawh

pakua lai kan nei tawh bawk a. Kan member zingah hian CNI Kohhran pastor, Rev. Jonathan Gurung leh Bhutan ram Kristian ten Pastor atana an lo hman ve mai, Pu Phurba Lepcha te kan nei hlauh mai a, a vaneihthlak hle.

Kan Synod chuan Rev. Jonathan Gurung-a Ordination hi a pawm tawh a; Pu Phurba Lepcha pawh Sacramen leh Inneihthir theihna Licensing Certificate (kum 3 atan) a pe ta bawk a. Anni hian harsatna nei miah lovin Bhutan ram chhunga kan member te tlawhchhuah leh enkawl hna an thawk thei ta a, a lawmawm hle a ni. Anni pahnih hi an kum a tam deuh tawh avangin Bhutan rama kan mi leh sa te enkawl zui zel theitu tur Pastor chher turin kan inbuatsaih mek a. Kan member zinga Theological Degree nei awm chhun, tlangval fel tak, Raymond Gurung chu Synod 2020-a nem ngheh turin kan Synod chuan a rel fel leh ta bawk a, a phurawm hle a ni.

Tunah hian Bhutan ram hi Siliguri Mission Field chhunga Pastor Bial pakhat, Jaigaon Pastor bialah teltir ve mek an ni a. Leadership Training te, Seminar te an puala buatsaih zelin theih ang angin hma kan la mek zel a. Bhutan rama Mission hna thawk ho pawl tam tak zingah thawktu leh member ngah ber kan ni ta hi a lawmawm a, Pathian hnathawh ropui tak a ni. Bhutan ram, Bhudhist hmun pui hi Lal Isua Lalna ram a nih ngei theih nan i lawnglai sauh sauh ang u.

Siliguri Mission Field rawngbawlina hi hun rei tawh tak alang khan Sikkim State lamah pawh kalpui a ni tawh a. Heti lamah hi chuan keimahnin a hranpaa missionary tir lovin, Council of EPCS te nena lang kawpin rawngbawlina kan kalpui thung a. Thawhpui (Partner) fel tak neiin an hma lakna hnuaiah Evangelist pariat (Field Worker) kan chawm ve thung a. Inkawm hona (Interaction Meeting) te neiin chak takin hma lakna kan kalpui mek zel a. Heng kan Evangelist chhawr mekte pawh hian Siliguri Mission Field chhunga thawktu dangte ang bawkin Office-ah thla tin an tha sen *report* an rawn

March 2020


Ramthar

9

theh lût ve bawh \hìn. Sikkim lama kan hma lâk chhoh zêl dân tùrah pawh ngaihtuahna kan séng chho zêl a. Pathianin kan rawngbàwlina mal a sàwm zêl hi kan lâwm tak zet a ni.

Mizoram kohhranhote min \awng\aipui \hîna avàng leh sum leh pai tam tak nêna min ùm zui tlat avàng hian Siliguri Mission Field rawngbàwlina pawh hmuh theih khawpin a \hang chho mék a. Kum 2019 chhúng khan ringthar 174 (*Report a lang hman chin*) zet kan nei thei a. Kan member-te hi hnam hrang hrang leh \awng hrang hrang inpawlh mah ni ila harsatna awm lovin hlim takin rawng kan báwl ho va, Pathian kan fak ho va, Chanchin | ha kan hril tláng thei zêl a, a ropui tak zet zet a ni.

Kohhranhote leh kan rawngbàwlpui tláng hrang hranga awmte pawhin Siliguri Mission Field rawngbàwlina hma a lo sâwn zêl theihna tùrin leh, Lal Isua hnêna thlarau bo tam tak kan hruai thlen zêl theihna tùrin min lo \awng\aipui zêl tùrin kan ngen che u a ni e.



America rama doctor pakhat chuan mi za chuang fé, thi mai thei dinhmuna an dín laia Pathian hnêna inlamlêta piangthar; mahse an dam \hat leh hnua an nun hluia kîr leh ta a hriat thu a sawi a. Sâp ram (England)-a doctor pakhat pawhin mi zathum zet, thihna kotláng a an dín laia sima Pathian hnêna inhlân; mahse a hnua ngai awh leh ta a hriat thu a sawi a. A hriat theihah an damloh laia Pathian hnêna inhlân zíngah mi sawm chauh chu an nuna danglamna hmuh tùr awm hlen ta an nih thu a sawi a ni.

Hlauhawm kan tawh lai chauhvín,

Kan thlaphàn mangan laiín,

Amah kan hre leh si \hìn,

Chu mai chu a tâwk lo vang.

K.H.B No. 304



SERMON [AWNG]AI - RINGTU CHAKNA

Chhiar tùr: Tirh 12:5

*K. Lalrammawia, OA
Synod Office, Aizawl*



Ram leh hnam, khawtlâng, kohhran, chhúngkua, mi mal nuna harsatna kan tawh apianga kan inngahna bulpui ber chu \awng\ai Pathian kan auh hi a ni. Chhiatna râpthlâk - thihna, lirngîng, lei min, tui lian, natna, etc. kan chung a lo thlen apianga thlasik anga khél lova kan inngahna vàwrtàwp chu Pa Pathian hnêna \awng\ai kan mamawh engkim kan thlen hi a ni reng. Chu kan \awng\ai chuan kan tih theih rual loh min thawhsakin, chakna a\anga chak lehzualna nun thar min neihtír leh \hìn a ni.

Tirhkohte bung sawm-pahnih pum pui kan chhiar chuan Kohhranhote inlung-ruala, thinlung leh tih tak zeta an \awng\ai chuan an tih theih rual loh a tihsak Chiang hle. Petera, Tàn In, ven leh kalh tlata awm leh thirkawl buna awm kha Pathian thiltih-theihna chuan a chhuah zalentír Chiang hle.

Thuthlung Hlui lam kan chhiar chuan \awng\ai chhàna ropui leh mak tam tak kan hmu. Chûng zingah chuan pakhat chauh han tarlang ila. Daniela leh a \hiante pathum - Sadraka,

Mesaka leh Abednego-a te \awng\ai avàng khán meipuiin satna a nei thei lo va, Sakeibaknei chakna leh kohamnain awmzia a nei hek lo. Pathian ringlote an thihnaah anni chu an him pial a ni. *'Eng vàngin nge?'* kan tih chuan - Pathian hnênah hmun ral\í-ah pawh huaisen takin an \awng\ai a, he khawvêl hrehawmna leh tawrhna-ten an nun a tibuai pha ve ngai lo va. Pathian an rin avànga chan chhiat emaw, malsàwmna dawnah an buai tawh lo. An taksaah Isua chhinchhiahna an pu a, he khawvêl ral leh mai

March 2020

Ramthar

11

tùr lungkham avànga vòn
nun hloh ai chuan tihduh-
dah an thlang zâwk a ni.

*‘Thuthlung Thar lamah
pawh Pathian thiltihtheih-
zia lan chhuahna langsar
ber chu lawnglai chhàna
alang zêlin a ni,’* ti ila, kan
sawi sual hauh lo vang. Lal
Isua Krista Chanchin |ha
hrila Paula leh Sila te Philippi
khuaa an kala, Lung Ina an
tàn khân zanlaiah Pathian
hnênah an lawnglai a, hla
an sa a, mi táng dang ten an
ngaithla a. An lawnglai
chhàna chu chawpleh-
chilha lo thlengin, lir nasa
takin a lo nghîng a. Tàn In
kawngkhar lo inhawngin
táng zawng zawng kawl
bun a lo inphelh ta vek mai.

An duh chuan an taksa
himna tùra tlân chhuahna
hun an nei; mahse, mi
dangte chhandama an
awmna tùr a nih avàngin an
taksa himna an thlang lo.
Táng véngtu leh a chhúng-
te zawng zawng chuan Isua
Krista hmingin baptisma an
chang ta hlauh zâwk a ni.

A taka Pathian hna-
thawh lo lang kan tawn

\\henkhat Pathian ropui nán
han tár lang ve ila. Siloni-
jan, Karbi Anglong Mission
Field-a kan awm laiin kan
ringthar naupangin túr
(poison) a ei avàngin thih
ngamin a ná a. A pa hi
ringlo an nih lai chuan
puithiam niin ramhuai
thiltihtheihna hmanga mi
dawia, tihlum theihna hial
pawh neia sawi a ni a. *‘An
kawtzawlah thing, a rah
eia thih theihna a phun a,
chu mi hmang chuan mi a
dawi hlum \\hìn a ni,’* an ti.

Lal Isua ringa baptisma
an chan a\\anga rei pawh a
nih hmain an fapa naupang
chuan chu thing rah chu a
ei a. A nu mangang chu \\ap
chungin Mission Com-
pound-ahrawn tlân lûtin,
*“Ka fapain túr a ei a, a thih
hmainrawn lawnglai rawh
u,”* tiin minrawn ngen a. A
ranga rangin kan tlân phei
nghâl a. Tih tak zeta mittui
nèna Pathian hnêna kan
lawnglaina chuan chawp-
lehchilhin Lalpan a tidam
leh ta a ni. He naupang hian
tihtam a nih hnuah chuan,
*“Mi pakhat dum thel thul,
pa lian zet hian thing rah
chu ei tùrin min ti a, ka ei*

ta mai a ni,” tiin a sawi. Tûnah chuan he thing hi an kit tawh nghe nghe a ni.

Koilamati Pastor Bial Statistician chu eng emaw harsatna a neih avàngin Inkhâwmpui hmain ni hnih khat lek a la awm tihah khaw thum *statistics* tihfel loh a awm avàngin tlawm-ngaia tifel tùrin ka \hianpa nèn ruat kan ni a. Kan kalna tùr hi khaw thum lai a nih avàngin leh a hlat avàngin lirtheia kal a ngai a. Ka \hianpa scooter-in kan kal a. Mel thum emaw kan kal tiha kawng chhia (*kutchu road*) kan thleng a. Kawng a diak avàngin kan kal thei ta lo va. Ka \hianpa nèn chuan kîr leh mai kan duh a; mahse, kawngah chuan \hing\hiin tih tak zetin kan \awng\ai a. Chawplehchilhin kawng chu a ro ngâh a, hawn lam thlengin buaina awm miah lovin kan tih tùr pawimawh tak mai chu Lalpan min thawhsak a ni.

Hamren-a kan awm laiin Langmekang khuah pa pakhat an dawî avànga a pum puar luah mai, thi

mai tùr chuan, “*Ka thih hma ngeiin Kristiana inpein baptisma ka chang duh,*” a tih avàngin kan va kal a. A tána kan \awng\ai zawh hnu lawkah khaw pakhat, Amlong an tih a\angin nu pahnih lo kalin pakhat zâwk chuan, “*Hei, kan monu hi thil dangah eng mah harsatna nei lo mah se kum khat dâwn lai mai \awng ri thei lovin a awm a. Vawk, kel leh ar te-a kan inthâwi pawhin a dam chuang lo va. Hindu puithiam te panin kan neih zawng zawng kan khawh ral tawh a; tûn thleng hian eng mah a la ang chuang si lo va. Ka pu, min \awng\aisak rawh,*” tiin min ngen a. Ka rilru-a Pathian âw chiang tak maia lo lang ngâh chu, “*Lal Isua Krista hmingin baptisma chang la, i dam ang,*” tih hi a ni. “*Ka \awng\ai ang a, Lal Isua Krista hminga Baptis-ma i chan chuan i dam ang,*” ka ti a, ka \awng\ai ta a.

Pathianni-ah Hamren-ah lo kalin, baptisma a chang ta a. A chan a\anga ni sarihah a aw bawm a rawn inhawng leh a. Lalpan

amah fak nánrawn \awng-tír lehin Pathian fak leh chawimawi ning lovin tûna he thu kaziah mék lai pawh hian kan inbiaknaah a rawn sawi a ni. An chhúngkua Kristian-a inpe vekin, a pasal pheichu tûn thleng hian Evangelist \ha tak la niin an Kohhran Upa chhuanawm tak a ni mék a. An chhúngkua kal tlangin ringlo tam tak Krista hnêna hruai thlen an ni tawh a. Hemi kal zêlah hian tûnah chuan ringlo khaw hnihah kohhran \ha tak dingin, ringlo tam tak Lal Isua hnêna hruai thlen an ni a. Hêng Pathian hnathawh a taka kan hmuh te hi Zoram Kohhranho tih tak zeta kan \awng\aina te, thawktute inpêkna te leh \awng\aina te avàng chauh a ni. Hêng kan tàrlan bâkah hian chawplehchilha chhàna hmuh mai loh, rei tak hnua a hlawhtlinna a taka kan hmuh leh lo la thleng tùr sawi tùr a va tam êm!

“Mi au la, ka chháng ang che,” titu kan Pathian hi engtin nge kan chhàn ang? Rinnaa ka unau duh tak te u, lungngai,

beidawng, khawharin i nun i hmang \hìn em? Nge, khawvêl nawmsip bàwl na kawng i la zawh zêl zâwk. *“Kei leh ka chhúngte erawh hi zawngin Lalpa rawng a nia kan bàwl dáwn ni,”* titu Josua ngei pawh hi kan Bible-in, *‘a lo tar ta hle mai a,’* a tih hnua *“DÁWN”* a ti ngam chauh asin. He thu ziaktu ngei pawh hi ram thim ram rova Chanchin \ha an vahvaihpua \hang-khatlian rawngbáwla an awm hnua pawh chhúngkua kan la dam kim chuang lo asin. Beidawng lova Pathian auva, \hing\hia tih tak zeta \awng\ai \hìn te dilna hi Lalpan a hria. Kan dil min chhan hun erawh kan kutah a awm lo; mahse, min la hlawhtlintír ngei ang.

A tàwp berna atán chuan, zíng taka Lalpa auva, tih tak zeta \awng\ai \hìn te, a Biakbûk ngainaa inkhâwm thlah-thlam ngai lo te, thlahthlam lova Bible chhiar \hìn te hi Thlarau Thianghlim chuan a chen chilh \hìn a, kawng dik leh tih tùr dik a kawh hmuh \hìn a ni. Lalpan malsàwm rawh se.



BUH HMUN A | ANGIN LALPAN THIL ROPUI MIN TIHSAK

*Pu Lalchhandama, Evangelist
Painikumari, Siliguri Field*



A pian kum pawh hriat chian theih loh, a vànglai phei chuan mi lu zo tak mai, Sorkar hna pawh vawi li emaw lai thawk tawh, mahse bansan leh zêl \hìnt - Pu Budhan Biswakarma hi a voter Id-ah chuan kum 80 a ni tawh a. Aadhaar card ah erawh kum 67-na a hmang mék a ni. Kum 82 niin a inchhál thung. Kum 80 ral kai tawh mah se, a beng a la \ha a, a khawhmuh pawh a la \ha viau mai. A theih ang tâwkin a inchei nalh thlarh reng a. Sipai báng (pension) a nih leh nih loh ka zawh chuan, “*Mi tam takin nangmah ang hian min zâwt fo \hìn asin, \henkhat phei chuan ‘sipai bang’ min lo ti ve ngawt \hìn,*” a ti.

Setana bâwih rinawm, Pu Budhan Biswakarma chuan ni 18.01.20 hian Pastor Vànlalliana Sonset Siliguri Bialtu Pastor kutah baptisma changin Lal Isua bâwih rinawm ni tùrin a intiam ta! Lalpa chu fakin awm mawlh rawh se! Khaprail Fellowship hi Painikumari Kohhran a\anga ni 02.01.20-a indang a ni a; Pastor bial fan hmasa berah Lalpan thil ropui min hmuhtír a ni.

Pu Budhan-a hi kan sawi tâk ang khán a vànglai hun eng emaw chen chu Hindu sakhaw puithiam

hna thawkin, inthâwina a hlan \hìn. An \henawm leh a hretute chuan mi dang harsatna siamsak thei khawpin thiltihtheihna pawh neiin an sawi. Inthâwiin mi tam tak tán an sakhaw (Hindu) puithiam hna a lo thawh \hìn chu a upat tâk avàngin a chawlhsan ta a.

Amahah beidawn rûk-na eng emaw pawh a lo awm a ni mai thei e. Tila ril tla natna nei a ni a, zai tùr a tih ni mah se, “***zai ai chuan a duh leh Isuan min tidam ang a, min tihdam \ûl a tih loh leh***

March 2020

ka thihpui mai ang,” a ti. Thlarau thil pawh a hriain a ngaihtuah nasa êm êm a, min zâwt nasa bawk. A nupui boral ta thlarau tán a lo inthâwi fo \hìn bawk.

A fapa upa ber Pu Raju-a hi Kristian a ni a. Pu Raju-a chuan a u leh naute chu Kristian ni ve tùrin a lo ti fo tawh \hìn. Mahse, pa berin Kristianna a duh tlat loh avàngin an chhúngkuaah Lal Isuan hmun a chang thei lo. Hun lo kal zêlah Pu Raju-a pawh chu zu bâwihah tángin a rilrute a buai ta hial \hìn a. Chutih lai pawh chuan Kristian a nih thu a sawi lang fo \hìn a ni àwm e.

A rilru buai zual cháng phei chuan a chhúngte kut thlâk hial a ching ta a, inah an kalh khum fo \hìn a ni àwm e. Eng Kohhran mah belh a nei lo va, a harh fim laiin a chhúngte hnênah, “*Ka thih chuan, ‘Raju-a, Kristian kha a thi ta,’ ti ula, Pathianin ka ruang buaipui tùrin mi a rawn tír mai ang,*” a ti \hìn a ni àwm e.

Kum 2015 khán Pu Raju-a chu boralin, kan

Ramthar

member Pu K.P. Pradhan te chhúngkua an lo hriih a. Annin Pu Kumar Chhetri hriih lehin, a vuitu tùr chu an zawnsak ta a. Kan kohhran kalphung a lo nih loh avàngin kohhran pakhat Pastor-in tlawmngaiin a vui ta a. Kal khâwmten ruang buaipuina leh a senso zawng zawng daih khawp an pe te chu ropui an tih thu a unauten an la sawi uar hle. Chu thihna chu ‘*Chanchin |ha hriina remcháng a ni dáwn e,*’ tiin a vuitu Pastor te chuan remcháng an zawng nân, Pu Budhan-a hian rem a tih tlat loh avàngin an chhun-zawm thei ta lo.

2019 kum tìr lam khán Pu Budhan-a tunu pakhat chu ramhuai tihbuai avàngin, ni li emaw zet thim a hlau va, a \ap vak vak a. Amah chu rawn hruaitu tùr awmin a hre tlat mai \hìn a. An mangang chuan \awnglai-pui tùrin min rawn sáwm a. Kohhran mite nèn kan \awnglaipui a. Kan \awnglai zàn a\angin tui takin a mu thei ta a. Biak Inah te pawh rawn hruaiin Kohhranin kan \awnglaipui a. Bawhzui zêl kan tum lai

15

mékin a dam chho ta mai a.
Chanchin | ha hrilhna
remcháng kan zawn viau
pawhin kawng a ping leh ta!

Kum 2019 kum lai hâwl
vêl khân Pu Budhan-a fanu
neihchhun Pi Sukmaya-i chu
mîta lungte awm zai niin, a
zaina a pún (septic) vak mai
a. Damdawi nèn, inthâwina
nèn an inenkawl a, a dam thei
lo va. An beidawng tak meuh
meuh a ni. An beidawn
tàwpah an chhúngkua a
remcháng lo lave \hìn leh tlai
ngai lo Pathian chuan an
thinlung, lung ang maia sak
chu a tidanglam ta dâwrh
mai! Amah Pu Budhan-a leh
a fanu neihchhun Pi Suk-
maya-i te chuan, '*Kristiante*
\awnglai tùrin i sáwm tawp
mai teh ang,' an ti ta a.

Thi mai tùra an inngaih
tâk hnuah kan member Pi
Chandra-i hnênah tlu lûtin
\awng\aipui tùrin an lo
sáwm a. Tléma danglamna
an neih tâk avàngin Pi
Chandra-i chuan Kohhran-
ahrawn thlenin, keini pawh
kan han kal fo ta mai a.
Painikumari Kohhran miten
\ahnemngai takin kan
\awng\aipui a, kan

inkhâwmpui fo ta bawk a.
A cháng chuang kár khatah
vawi hnih vawi thum, vawi
li thlengin chutiang chuan
hun kan hmanpui a.

Mìn sàwm apiangin
chhuanlam eng mah siam
lovin *kilometre* li zeta hlaah
chuan kan inkhâwmpui ta
tlaui tlaui mai a. Bial
thawktuten rawngbâwl na
neih chilhin, a huhovin kan
chhu zui reng bawk a. Thla
thum zet kan luh chhuah
tâk hnu chuan a fanu Pi
Sukmaya-i chuan August
2019 khân baptisma a
chang ta!

Hêng hun zawng
zawngah hian Pu Budhan-
a hian kan inkhâwm hi a
ngai pawimawh êm êm a.
Pathian thu hi a ngaithla
ning ngai lo. Baptisma
chang tùrin thu tlûkna a
siam fo \hìn. Mahse, a \hian
Hindu puithiam te leh
\henrual \henkhat ten
baptisma chang tùra thu
tlûkna a siam dâwn lai tak
hian Kristiana inpe lo tùrin
an lo thlêm chat chat zêl
\hìn! Para Church rawng-
bâwltu pakhat lah hian a lo
len chilh ve bawk \hìn a.

March 2020

Ramthar

17

'Thla ruk hma chuan baptisma i chang thei lo. I inkhâwm phawt a ngai,' tiin a lo kàwm fo \hìn a, a rilru a thlâk phah fo \hìn.

deuhah inkhâwm kan \an thei ang em?" ti tein zawhna tam tak min lo zâwt a. Ngaihthlâk a va nuam êm!

Kohhran leh biala thawktuten kan \awng\ai-pui reng a. Ni 13 - 15 Jan., 2020 chhúng khán Bial Evangelist ten an inah rawngbâwl na neih chilhin hun kan hmang leh a. Setana tána \angkai taka lo thawk \hìn Pu Budhan-a pawh programme kan neih zàn a\angin a mu thei lo va, a lû a na êm êm a, a taksa te na vekin a chau ngawih ngawih mai! *'Indona chu Lalpa indona a ni. He indona hi Setana nêna indona a ni,'* tiin thawktute pawhin tih tak zet in \awng\aina nèn kan bei a.

A tán hian ruah súr hnuaiah te, khaw vâwt tak hnuaiah te, khaw lum leh hnáwng tak kárah pawh thla eng emaw zât kan bei zak zak chu Lalpan a tak min hmuhtír ta! Hnuk hi a ulh lek lek a ni ber e. Thu tlûkna fel leh dik siamin tûnah chuan Lalpa ringtu a lo ni ta! Lalpa chu fakin awm rawh se.

Azan thumnaah chuan Kristian a nih tùr thu a puang Chiang ta! A rilru a thlâk leh tâk hlauhvin tiin ni 16&17.01.20 chhúng kan tlawh ta lo va. Ni 18.01.20 chawhma dár 9:30 vêla ka léng chu rang takin a rawn chhuak a. "I va rawn kal har ve? Zàninah baptisma ka chang dâwn lo em mi? Hma

An chhúngkua hi chhúngkaw rual tak (Joint family) an ni a. A fapa pahnih leh a fanu pakhat te chhúngkua nèn chêng hovin member 15 zet an ni a. Chhúngkaw hotute zínga pahnih chuan Lal Isua an ring ta. A tu leh fate mi 10 chuang zette pawhin an lo rin theih nán i \awng\ai-pui zêl ang u khai. Baptisma a chan lai pawhin a tu leh fa ringlo mi 10 zet an rawn inkhâwm a ni.

Hindu puithiam \hìn khán Lal Isua a lo ring ta! A va ropui êm!



SYNOD MISSION CHOIR-TE ARUNACHAL 'N'-AH

P.C. Lianhmingthanga
Conductor, SMC



Arunachal and Assam North Field chuan Tato khua (India leh China ramri bul)-ah ni 11-13 Oct., 2019 khán Bial hrang hrang te intawh khâwmna/inkhâwmpui (3rd Joint Pastorate Meeting) an hmang a. He huna zaia rawngbáwl tùrin Synod Mission Choir te chuan ni 8.10.2019 (Thawhlehi)-ah Aizawl kan chhuahsan a. Zin kawng thui tak kan zawh hnuah Sumo, Bus leh Rel te nèn \ang kawpin inkhâwmpuina hmun chu Pathian zarah tluang takin kan thleng ve a.

A hmun chu a lo nuamin boruak pawh a thengthaw nuam êm êm bawh a. Tláng sáng tak tak leh tláng kára tui fim êm êm sáng tak a\ang a rawn khawh thla te, kawr thûk leh ruam mawi tak maia lui lo luang te chuan mit a la nghâl êm êm a. Chu ai maha kan vânnihna leh làwmna chu a ram mite min lo dawnawn dânah a ni. \awng inang lo viau mah se kan hmélah erawh danglamna hmuh tùr a vâng khawp mai. Hei vâng te pawh hi a ni mahna, \henawm te ina chuang kai ang maiin kan inpawh nghâl sat a, inbiak sual erawh a awl hle.

Kan chàm chhúng hian ruah a phingphisiau seng seng reng a; ruah tla avànga kawng diak kâwi êm êm mai te kha kan inkhâwmpui tihlutu a ni. Sial sa leh iskut kan pawlh chu ni khat hnuah kha chuan kan chawhmeh tùr a ni tih hi zawh ngai lovin kan hre vek tawh a. Hnaha fun chaw kan ei a, mi inphalte zingah sial sa pawh thawh te an lo awm zêl a, kan vânni hle.

Thlarau lam thupui (Phil 3:16) behchhanin Speaker Rev. Kennya Ngomdir hnên a\angin nung leh ngaihnawm takin kan ngaithla a. Pathianni Chawhnuah Tato Bialtu

March 2020

Ramthar

19

Pastor K. Zoremthangan urhsun taka Lalpa Zanriah Sakramen a \heh chu kan chang ho va. Zàn lamah Pastor Lalchhuanliana hnên a\angin Valedictory Sermon, Kohhran leh ringtute tána thuchah hlu tak kan ngaithla bawk. Zai ho a nuam hle. Mizo Kristian Hla bu leh KJP General Conference Hla bua mi an \awnga lehlin chu an tuipui êm êm a; \halaite an phur bâkah nu leh pa te pawhin inkhâwmpui chu nuam an ti hle. Pandal chhúngah theih tâwpa Pathian faka lám hmuh tùr an awm reng a ni.

Zaipawl ten kan zai chhuah apiangin kan rin leh beisei phâk bâkin a ngaithlatute nunah thu a lo sawi ve a. Chu chuan zai boruak a chawi kăng nasain, zai chhúng hian Thlarau Thianghlim chen chilhna leh a hnathawh kan changin kan hmu a. Fakna hla hi Zirtawp zàn a\anga Pathianni zàn inkhâwm thleng 12 kan sa a ni.

Zaipawl zai bâkah hian, member-te a\angin mal zai

te, mipa hlang zaipáwl te leh hmeichhe hlang zaipáwl te, hnam làm leh vai làm te hmangin Variety programme (*Inrinni chhùn, zàn leh Pathianni zàn inkhâwm bân*)-ah kan inlan thei a. Bial tin a\angin mahni hnam làm leh zai bâkah lemchan hmuhdawm tak tak thlir tùr a awm a, mit leh beng a tlai hle. Chu chuan kan inpumkhatna a tinghet bawk. A tàwp zànah phei chuan kut insuihin, tisa leh thlarauva inpumkhatna duhawm tak chu chang hovin, hmelhriat ngai loh te nèn pawh him taka lám in hun kan hmang ho a ni.

Tin, thilpêk \ha lutuk mai, kan rin leh beisei miah lohvin kan dawng a, an mi duhsaknaah thinlung takin kan lâwm hle. Pathian hminga kal khâwm kan nih ang ngeiin tisa leh thlarauvah malsàwmna kan dawng nasa hle a ni.

A tàwp berah chuan Pastor te leh Missionary te lo inpêkzia leh an thâ leh tui sen ral zawng zawng mit ngeia kan han hmuhpui

thei hi vânni kan inti hle. Lalpan an rawngbâwna mal a sàwm tih hi hai rual lohvin kan han hmu a, kan chhuang hle. An inpêkna leh min lo dawnsawna zawng zawngah làwmthu kan sawi tak meuh meuh a ni.


Station thleng min thlah a ni. Guwahati-ah rei lo tê kan rawn chàwl haw a, hetah pawh hian SMB hnuaia thawktu inpe zo tak takte chungah làwmthu kan sawi mawlh mawlh a ni.

Tichuan, a ni 14.10.19 (Thawh\anni)-ah Tato khua chhuahsanin Jonai kan pan a. Thawktu fel tak takten min lo mikhual lehin, tlaiah chawhlui min lo buatsaihsak leh a (*kan kal lamah anni tho hian tûk\huan min lo buatsaihsak tawh bawh a ni*). Rel

Pathian hruainain dam takin Aizawl hi ni 16.10.19 (Nilaini)-ah kan lo thleng leh thei a ni. He hun hlu tak, kan dam chhúng pawha kan theihngihl theih tawh loh tùr rawngbâwna min petu, Pathian leh Synod Mission Board chungah làwmthu kan sawi tak meuh meuh a ni.

DOCTOR RÀWN I MAMAWH EM?

Rev. Edward Payson (1783-1827)-a chuan,
“Thlarau lam nuna tla chhe mék te awm dân leh taksa
hrisèlna chhe lan mék te awm dân hi a inang khawp
mai. Thlarau lam chaw \ha - \awng\ai, Bible chhiar leh
sakhaw lam lehkhabu chhiar châkna leh ngainatna an
hloh tial tial \hìn. Hetiang dinhmun a
dìng a nih hlah chuan i thlarau nun
chu dinhmun ngaihtuahawm takah a
dìng mék a ni: i lo dam leh theih nán
Doctor ropui ber – Isua pan thuai ang
che,” tiin a sawi.



SIEM REAP RAWNGBÀWLNA CHANCHIN

Laltleipuii Tochhawng
Siem Reap



Siem Reap khawpui hi Cambodia ram khawpui pahnihna (Second Capital) a ni a, mihring maktaduai khat vèl báwr an chêng mék a ni. Khawvêla Temple lian ber Angkor Wat awmna hmun a ni a, zin mite a hip hle (*tourist centre a ni*). Cambodia rama khualzin zawng zawng 50% hi Siem Reap-in a hui vek a ni.

Hetih lai hian 1975-1979 chhúnga Pol Pot-an mipui a suat chiam avàng khan ramin a tuar nasa êm êm a, an nunphunga hniam êm êm a ni. Khatih hun lai khân a ram mi maktaduai 1.5-3 (chu mihring awm zawng zawng zaa 25 a ni a) vèl lai Pol Pot-a khân a suat a. Tûna Cambodia mite hi a thah bâng dam chhuak (First generation)-ho an ni a, mihring 45% hi mi rethei (BPL) an ni.

Cambodia mihring zaa 97zet hi Buddhist sakhaw betute an ni a, Kristian leh Muslim tlém azáwng an awm ve baw. Amaherawh-chu, khawvêl ram danga Budd-hist sakhua betute nèn chuan an dang hle thung. An pi leh pute

sakhua leh Buddhist sakhua hi an chawhpawlh a; ngun taka ngaihtuah chuan '*thlarau betute*' (Animist) an tih theih àwm e. An thlahtu thi tawhte thlarau an bia a, tihlungawi loh an hlau êm êm a ni.

Pakoda (*an pathian biak in*)-ah kalin pawisa lem te, motor lem te, in lem te hâlin an inthâwi \hìn. Pawisa lem an hal \euh chuan an thlahtu thi tawhte khan thlarau khawvêlah pawisa an lo ngah an ring a; chutiingin, in lem mawi tak tak an hlan chuan an thlahtute thlarau khân in mawi tak an lo nei dâwn niin an ngai. An tih lungawi loh palh erawh chuan thlarau chuan na takin a hrem \hìnin an ngai.

Kum tin September thla hian 'Mitthi pual kut' (Pchum Ben) an nei a. Nasa takin an inthâwi a, thlarau tihlâwm tumin an neih \ha tinréng an hlân \hîn. Thlarau sual (*evil spirit*) anchhia hlau rêng rêngin an hun an hmang a ni. Setana bâwihah an la táng nghet hle. Thlarau Indona hmun a ni.

Siem Reap bial (province)-ah hian 2019 a\angin Synod-in rawngbâwlna a \an a. Synod-in a lâk hma hian New Enterprise International (NEI) hovin rawngbâwlna an kalpui \hîn a; NEI hian kan Synod kutah an hlân a ni. Tûnah hian a ram mi (Synod Local Worker) pangate nèn rawng kan báwl ho mék a ni. Rawngbâwlnaah \ha-hnem an ngai a, ringthar tê tê an nih hlawm avàng erawh chuan \awnglaipui an ngai hle.

Tûna kan in luah mék hi Biak In pui anga hman nghâl a ni. Pathianni tin kan inkhâwm \hîn. Tin, Siem Reap chhehvêl thingtlang hmun li - Phum

Thanal, Khna Thmey, Boshkralanh leh Banteay Srei-ah te rawngbâwlna kalpui mék a ni bawk. Hêngah te hian kár khatah vawî khat kan inkhâwm (*house church*) \hîn. Hêng thingtláng khaw pali-ah te hian ringtu an awm ve nual tawh vek a ni. Baptisma la chang lo, rawn inkhâwm ve \hîn (Seeker) kan nei tam a; '*Baptisma min chantír ve tawh rawh u,*' tia min ngentu an pung ve zêl a ni. Amaherawhchu, hman-hmawh lovin ringtu nun te kan inzirtír chho zêl a ni.

Theihtâwpin Chanchin |ha hril hna thawh mék a ni a, thla khatah kár khat hi sikul khârin ringlo te In-ah kan léng a, Pathian hmangaihna thu kan hril \hîn. Tin, Inrinniah thingtláng hmun hla zâwkah Chanchin |ha hrilin kan zin chhuak \hîn bawk. Tin, Sâp \awng zirna Sikul (*Informal English School*) pahnih kan nei a; hêng sikul pahnihah hian a belhkhâwmin naupang 100 vêl báwr an ni. Hêngte hi rawngbâwlna hmanraw \angkai tak a ni.

Siem Reap-a kan rawngbàwlina hi kohhran mipuite \awng\ai puina azárah Lalpan mal min sàwm a, Pathian awmpuina leh thiltih ropui tak tak kan chang fo \hìn. Chûng zínga pahnih khat lek kan hriat atán han sawi lang ila:

Banteay Srei khuaah hian nikum khán kan inkhâwm thínna hmun a remchan tâk loh avàngin inkhâwmna mumal kan nei lo va, Pathian hnênah kan dí a. Pathianin kan mangang au âw a ngaithla a, anmahni in ngeia inkhâwmna nei tùrin chhúngkaw khatin min rawn sáwm nawlh mai a ni. Kan inkhâwmna chhúngkua te hi an nu ber chiah an chhúngkaw zínga Kristian a ni. Mahse phûr takin an chhúngkuain min lo dawngsawng \hìn. Amaherawhchu, vànduaithlâk takin nikum December thla khan khaw dangah an chhúngkuaa pem an tum leh hlauh mai a.

Inkhâwmna hmun kan neih dáwn tâk si loh vah chuan tiin, he khuaa kan

rawngbàwlina chu tihtàwp mai kan rilrûk laiin Lalpan ringlo chhúngkaw pakhat te thinlung a lo khawih che leh a. An ina inkhâwmna tùrin min rawn sáwm leh nawlh mai a! Lalpa hi a lo hausa ngei mai. Lalpa chu fakin awm rawh se! Pathian hnênah làwmthu min lo sawipui mawlh mawlh rawh u.

Kan Kohhrana taima taka kum hnih chuang rawn inkhâwm ve \hìn, Pi Soeun Phali chu dawithiam a ni a, mi tam takin an pan \hìn. Amaherawhchu, Setana bâwiha a tàn avàngin hmuh theihin a taksa a awngrawp tial tial a. Kaih loh chuan amahin a kal thei lo va, a taksa pum hi a khur zawih zawih reng mai a. Zànah te hian aw thûm leh \ihbaiawm tak takin a fate a ko fo va, an in zawng zawng hi thil rimchhe takin a khat fo \hìn.

Pathianni vawi khat a faten an rawn hruai chu an mangang êm êm a, a bîk taka \awng\aisak tùrin min ngen a. Team-hoten nasa takin Pathian kan au va.

Lalpan a thiltihtheihna lantírin chhan chhuahin a awm a; a dawivaih bàw\hlo zawng zawng te chu February 2, 2020 (Pathian-ni) khán inkhâwm bannah kohhranhoten kan hâl ral ta a ni. Hnehna chu Lalpa ta a ni! Lalpa chu fakin awm rawh se!

Lalpan rawngbàw\ina kawng hrang hrang min hawnsak zêl a. Damlote tán kan dîlsak a, Lalpan kan \awng\aina ngaithlain a tidam \hìn. Medical Doctor pakhat, kum tam tak (a ke-a) lei rap ngam lo, Sâp ram thleng pawha in enkawl tawha beidawng, anmahni sakhuaa inthâwina tinréng an tih hnu pawha dam thei lo chuan mi tute hnên a\angemawin kan chanchin a lo hria a. \awng\aisak tûrin minrawn ngen vang vang a, a inah va kalin atán kan \awng\ai a; Tidamtu Isua Krista Chanchin |ha kan hrih baw a. Ani pawh hmuh theihin a dam chak a, a lâwm êm êm a ni. Hetiang hi sawi tûr tam tak a awm a, ringlote zíng a\angin an sakhuaa beidawng tawh, damlo

\awng\aisak tûra sàwmna kan dawng fo \hìn.

Hetih lai hian kan tàr lan tawh ang khán Cambodia mite hian sakhua an la thutak lo va, ringtute pawhin Kristianna hi an la thutak chuang lo niin a lang fo \hìn. Chu chuan a cháng chuan bei a tidawng lek lek \hìn. Siem Reap ka chhoh tîr khán \um khat chu Pathianniin Isua a lo kal leh tûr thu ka sawi a. Isua lo kal leh tûr thu hre tawh zawng ban phar tûrin ka ti a; tu man Isua hi a lo kal leh dâwn tih an lo hre lo! Kan mi rawih (Synod Local Worker)-te pawhin an lo la hre ngai lo a ni.

An \awng duh êm êm a, inkhâwm thusawitu thusawi te hi a sawitu ai maha tui hian an lo sawi ve sup sup zêl mai a; Lalpa Zanriah Sakramen, *uain* in laia ring leng lawnga bula \hu te nêna '*cheers*' tia *uain* no lo inkhaktîr ta mawlh mawlh te pawh kan la awm a ni. Buddhist an nih laiin an \awng\ai ngai lo va, \awng\ai hi an puithiamte

March 2020

Ramthar

25

chauh tih tù emaw an ti a. Jawng\ai rual kan neih te hian \awng\aipui tùra ngenna an rawn thawh sup sup a; mahse kan han \awng\ai chuan an ngawi daih a, mahniin kan \awng\ai rual fo mai. Zir tùr kan la ngah a, \awng\aipui kan ngai êm êm a ni.

Thlarau an hlah avàngin kan Kristian tawhte ngei pawh an thlahtu thi tawhte thlarau tihlungngaiha, anchhe dawn an hlau va. Kan ringtu pakhat pawhin a mumangah, “*I inkhâwm avàngin i thlahtu boral tawhte an thinrim êm êm a, i inkhâwm leh a nih chuan i chungah anchhia an lawh dâwn a ni,*” tiin mi pakhatin

a lo hrilh a, a inkhâwm ngam tawh lo a ni.

Isua hi thlarau sual zawng zawng hnehtu a ni tih a tak ngeia an hriat hun a nghahhlelhawm \hìn ngei mai. Thawh tùr a tam êm êm a, kil tin mai a\angin thlarau mangang au thâwmin min hual a ni. Kan awmna hmun \heuh a\angin rilru hmun khatin Krista tán \hahnem ngai takin kan theihna zâwn \heuhvah rawngbáwl ila. Setana lalna ram \hiah a nih zêl theih nán \hahnemngai taka min lo \awng\aipui chhunzawm zêl tùrin Kohhranhote kan ngen tak meuh meuh che u a ni. Khawvêl ram zawng zawng Krista ram a lo ni theih nán i bei zêl ang u.



Kristian nu pakhat hian pastor hnênah, “Khawngaihin ‘Pathian tána inserh hrang’ tih hi han sawi fiah teh,” a ti a. Pastor chuan lehkha phêk khat hi a han la chhuak a, “He lehkha phêk tàwpah hian i hming ziaak (sign) la, a hma lam zawngah Pathianin a duh duh ziaak se. Chutiang chu a ni e,” tiin a lo hrilhfiah a.

RAMTHAR FEH

1.

1. **Field Hming** : Barak Area
2. **Khua** :Kaisanary leh Gharmura
3. **Tlawh hun** : Ni 2 – 7 Oct., 2019
4. **Tlawhtu** : Tlangsam Kohhran
5. **Kal zât** :15
6. **Tlawh chhan** : Hnathawh
7. **Hnathawh** : Biak In hmun lung rem; Biak In ban chhùn leh Pastor *quarters* tual lung rem
8. **Senso** : ` 1,01,500.00
9. **Làwmawm lam**: Ni 2 Oct., 2019 zing dár 4:00-ah bus-in kan chhuak a, zàn dár 11:30-ah Kaisanary kan thleng a. Thawktute leh kohhran mipuiten Pastor *quarters*-ah min lo dawngsawng a. Thingpui kan in ho va, Rev. Lalrinsanga Pathian hnêna làwmthu sawiin a lawngtai a. A tûk zing thawh hlim a\angin tlai thim thleng kan thawk a. Chutiang chuan ni tin kan thawk \hìn a; Inrinniah Pastor *quarters* tual lung kan rem bawk. Ni 6.10.2019 (Pathianni) chhùnah Gharmura Mission Compound-ah kan inkhâwm a ni.

Pu J. Laltholeha, Ramthar Ziaktu

2.

1. **Field hming** : Home Mission North
2. **Khua** : Damparengpui
3. **Tlawh hun** : Ni 21-26 October, 2019
4. **Tlawhtu** : Khawzawl Venglai Kohhran
5. **Kal zât** : 25
6. **Tlawh chhan** : Hnathawh
7. **Hnathawh** : Sikul chhuat tùr leivûng chhùn & thawktu *quarters* sak
8. **Senso zât** : ` 82,195.00
9. **Làwmawm lam** : Ni 28 (Thawh\anni) zing dár 6:30-ah Upa Lalvenan lawng\aiin min thlah a. Tuivawl kamah tûk\huan eiin, Rawpuichhipah zanriah kan ei a. Tluang taka kalin zàn dár 9:00-ah Damparengpui chu kan thleng a. Bialtu Pastor leh thawktuten hlim takin min lo dawng-

sawng a, kan lâwm hle. Headmaster *quarters*-a thingpui te kan in zawhah kan thlenna tùr kan pan hlawm a.

Ni 30 (Nilai) zàn inkhâwmah Damparengpui Kohhranin hun min pe a, kan lâwm hle. Kan tlawh tum bei ni lo mah se kan tána hun min lo ruahmansak hi a làwmawm kan ti hle. Hemi zàn hian kan Ramthar Committee Chairman, Upa K. Lalzikan Pathian thuchah a sawi a ni.

SHMS, Damparengpui Headmaster, Pu Ramchhanngama leh Asst. Headmistress, Pi Laldhawmi te chhúngkaw \ang rualin zanriah min buatsaihsak a, kan lâwm hle mai. Tin, kan zinna atána motor panga kan hmante hi mi mal \hahnemngaite thawh chhuahpui a ni a, an chungah kan lâwm tak meuh meuh a ni.

10. Report lûl dang : A tûk, Thawhlehi tûk\huan ei kham a\angin \henkhatin leivûng kan thiar a. Ni thum chhúng chu lei lai leh leivûng thiar hna hi kan thawk a, hmun thuma \hena hmun hnih kan thawk zo hman a ni. |henkhatin thawktu chènna tùr In (24x12 ft) pakhat sak hna kan thawk a. A chung rangva chih leh a bang *tile* kan zo va; kan sa zo hman ta lo erawh chu a pawl kan ti hle. Damparengpui Sikul tán hian khuang tê pahnih, leh Damparengpui Kohhran tán Biak Ina tàr tùr Sana pui leh pawisa fai ` 5,000.00 kan hlàn a ni.

T Upa R. Laltlankima, Ramthar ziaktu

3.

- 1. Field hming** : Arunachal & Assam Mission Field 'W'
- 2. Khua** : Naharlagun (Arunachal Pradesh)
- 3. Tlawh hun** : Ni 29 October – 8 November, 2019
- 4. Tlawhtu** : Madanrting Kohhran
- 5. Kal zât** : Mipa 27, Hmeichhia 4
- 6. Tlawh chhan** : Work Camp
- 7. Hnathawh** : Biak In sak (Chhuat tùr slab chhùn & thawktu *quarters* Ceiling siam leh Electric wiring)
- 8. Senso zât** : ` 1,66,481.00
- 9. Làwmawm lam:** Ramthar Chairman Upa Chal-lianchhingan min ho va. Pathian hruainain tluang takin

Naharlagun kan thleng a, Field Secretary, Rev. R. Lalrinsanga leh kan missionary-ten min lo dawngsawng \ha hle. Kan thawh chhúng zawngin kan missionary - NI. K. Lalramtluangi, Tv. Lalhruaimawia leh kan Short Term missionary ten min \àwiàwm \ha hle a, kan lâwm takzet a ni. Pathian khawngaihnaa *work camp* kan kal thei hi kan lâwm a, zawngchhang tlâk hlein kan hria.

10. Report \ûl dang: Kohhranin Ramthar Project-a kan lo dah a nih angin a hmain ` 3,00,000.00-in kan pui ve a. Biak In (45x30 ft) *slab* chhúng tùra kan inruahman sa chu hunin min daih loh avàngin ni hnih chàm belhin, kan hna \ha takin kan zo thei a. Hemi rual hian thawktu *quarters ceiling* siam hna kan thawk bawk a, Electric Wiring-te nèn \ha takin kan zawh felsak thei a, kan lâwm hle. Tin, thawktu *quarters* atán *Ceiling Fan* leina tùrin ` 10,000.00 kan hlàn bawk. Pathianni chhùnah Kohhranhote nèn kan missionary-te in luah-ah Pathian Biak Inkhâwmna hun hlimawm tak hmang a, Biak In an mamawhzia te kan hmuhin, sak zawh thuai a nghahhlelhawm hle.

Lalduhkima, Ramthar Ziaktu

3.

1. **Field hming** : Barak Area
2. **Khua** : Dipucherra
3. **Tlawh hun** : Ni 4-8 November, 2019
4. **Tlawhtu** : Ramthar North Kohhran
5. **Kal zât** : 27
6. **Tlawh chhan** : Hnathawh
7. **Hnathawh:** Biak In chei \hat; ban thlâk, a chung rangva chih \hat; *ceiling electric wiring*; *fan* thar lei leh vuah
8. **Senso zât** : ` 1,00,840.00
9. **Làwmawm lam** : Dipucherra Kohhran member-te inpêkna a nasa hle. Kan *Work Camp* chhúngin Missionary, Anthony bâkah tualchhúng kohhranin min thawhpui vek a. Keini pawhin Electric bungrua leh *fan*-te a thar leisakin kan vuah thei a; kan thawk tluangin

March 2020

Ramthar

29

kan zo hma thei a; chuvàngin, kan Kohhranin Baithakhal-a *quarters* sakna atána ` 2,00,000.00 a pèk hmanga Ramthar Kohhran an lo sak chu kan en haw thei a, kan lâwm hle.

C. Laizawna, Ramthar ziaktu

5.

- 1. Field hming** : Siliguri Mission Field
- 2. Bial** : Siliguri Pastor Bial
- 3. Tlawh hun** : Ni 4-13 November, 2019
- 4. Tlawhtu** : Maubawk West Kohhran
- 5. Kal zât** : Mipa – 8; Hmeichhia - 6
- 6. Tlawh chhan** : Field tlawh
- 7. Senso** : ` 1,35,155.00
- 8. Làwmawm lam** : Ni 4.11.2019 (Thawh\anni) tûk dár 6:00-ah Ramthar Committee Chairman Upa R. Zohmingthangan Pathian hnênah \awng\aiin Ramthar zin tûrte min thlah a, sumo pahniha kalin tluang takin Silchar Mission Compound chu chawhnu herah kan thleng a.

New Jalpaiguri panin tlai dár 6:30 chhuak Relin kan kal a, a tûk tlai dár 2:30 vêlah NJP kan thleng a. Rel station-ah hian Siliguri Bialtu Pastor Vànalliana Sonset leh Evan. Basu-a ten min lo hmuak a; Siliguri Pastor \huthmun chu tlai dár 3:00 vêlah tluang takin kan thleng ta a ni.

Field Secretary, Rev. Lalhruaitluanga Ralte-in kan thlenna hmun tûr min lo ruahman felsak vek a. Kan chàm chhúngin a thlawnin Siliguri Mission Field Guest House min luahtír tawp a, Field Secretary chungah kan lâwm hle.

Ni 6 (Nilaini) tûk\huan ei kham a\angin Siliguri Bial - Atal Bagan leh Sawineline Kohhran mite an chènna inah tlawh kualin hun kan hmang \an ta a. Helai hmuna chêngte hi thingpui huana thawkte an ni. A theih chin chinah \awng\aina hun te kan hmang zêl a. Thawktuten an chanchin tlánpui an sawi leh kan hmuh te chuan kan rilru a khawih hlawm hle.

Atal Bagan leh Sawineline-a ringtharte hi Adivasi hnam an ni a, zu (mahni insiam chawp)-in a tibuai nasa a. Chuvàngin, hmeithai an tam phah hle.

Ni 7 (Ningani)-ah Rohinni, New Chumta leh Simulbari Kohhran leh ringtharte an inah kan tlawh leh a. Rohinni Kohhran hi Nepali an ni a, New Chumta leh Simulbari-a chêngte hi chu Adivasi hnam te an ni a. Inhlát tak taka chêng an nih hlawm avàngin kea kal a tam a, ringtu khawhar tak takte khawsakna hmuh chuan kan rilru a tithar hle. Rohinni Biak Inah kan lawnglai rual a; Silmubari-a thawktute hian anmahni sensoin zanriah min lo buatsaihsak a, zànah kan inkhâwm nghâl. Hetah hian Biak In kawngka bulah kan ke te min lo silsakin min hrûk hulsak leh vek a; kan thil tawnte hian kan rilru a khawih hle a ni.

Ni 8 (Zirtawpni)-ah Malvitta leh Painikumari Kohhran leh hmunhma te, ringtute an chènna inah kan tlawh a. Biak Inah report-te inpe tawnin hun kan hmang. Malivitta hmuna ringtharte kan tlawh kual bawk.

Pathianni chawhma hi Ladeg Kohhranah kan inkhâwm a. Tlawhtute zínga mi Upa Vànlaaluatan Pathian thu a sawi a, report-te kan pe bawk.

Ni 11 (Thawh\anni) tlai dár 6:30-ah Siliguri a\angin Relin kan kal a, ni 12 tlai dár 4:00 vêlah Silchar kan thleng leh a. Ni 13 zíng dár 6:45-ah Silchar chhuahsanin tluang takin kan kal a, tlai dár 4:00-ah Aizawl kan thleng leh ta a ni.

9. Report \ûl dangte: 1) Kan chàm chhúnga kan chêtvélna, kan hun hman dân zawng zawng hi Siliguri bial vawngtu Rev. Vànlaalliana Sonset-in a lo ruahman sa vek a. Siliguri Pastor inpêkna avàng hian kan lo rin ai maha thûkin kan chêt theih phah a, an chhúngkaw bawrhsawm lai a ni a. Chuti chung chuan kan chêt chhuahnaah hma min hruaisak zêl a, Pastor chungah kan lâwm êm êm a ni.

2) Field Secretary leh hemi hmuna thawktu zawng zawngte an felin kan tán an inpe êm êm vek a. Thingpui

leh ei tùr tuihnai tak takte min hlui \hìn a, an chungah kan lâwm êm êm a. An thawhna hmun hi ringtu pachhe tê tê awm tamna hmuna thawk an ni a, \awng\ai leh thil tiha \an kan lâkpui zêl hi an mamawh hle a ni.

3) Kan Kohhran tlawhte hian min ngaihhlutzia lantír nán nghawngbah min lo bah tír zêl a, a làwmawm kan ti

4) Kohhranin sum min paitír angin Siliguri Pastor Bial chhúnga a \ûl anga hman atán Bialtu Pastor kutah ` 30,000.00 kan hlàn bawk.

Vànlalliana, Ramthar ziaktu

6.

- 1. Field hming** : Barak Area
- 2. Khua** : Bhadurgram leh Borkhola
- 3. Tlawh hun** : Ni 18-21 November, 2019
- 4. Tlawhtu** : Kulikawn West Kohhran
- 5. Kal zât** : Mipa – 12; Hmeichhia - 2
- 6. Tlawh chhan** : Hnathawh leh \awng\ai ram mut
- 7. Hnathawh** : Thawktu *quarters* siam \hat leh rawng hnawih
- 8. Senso zât** : ` 69,863.00

9. Làwmawm lam : Kan ruahman lâwk angin tluang takin hun kan hmang thei a. Bhadurgram-a thawktu, Pi Ramzauzeli te nupa-in hneh takin min lo thleng a. Kan hnathawhnaa \ûl tùr thil engkim an lo la khâwm vek a, tluang takin hna kan thawk thei a ni. Borkhola hmuna \awng\ai Ram mut kan neihnaah pawh Silchar Bialtu Pastor, Rev. Surjo Kumar leh kan thawktu, Pi Ramzauzeli ten min ho thei a, kan lâwm hle.

10. Report \ûl dang : Borkhola, Silcher Bialah hian thawktu, Pi Uma-i a awm a. Anni chhúngkua chiahi Kristian awm an la ni a. Kohhranhote \awng\aipui tùrin kan ngen a ni.

Pu Vanlaltirha, Team ziaktu

7.

- 1. Field hming** : Home Mission South
- 2. Khua** : Tuichawng
- 3. Tlawh hun** : Ni 18-23 November, 2019

- 4. Tlawhtu** : Rulchawm Kohhran RT Comt.
5. Kal zât : Mipa – 10
6. Tlawh chhan : Hnathawh
7. Hnathawh : Thawktu *quarters* sak
8. Senso zât : ` 40,955.00

9. Làwmawm lam : Ni 18 (Thawh\anni) zing dár 6:00-ah Ramthar Chairman, Upa Khuangtuahthangan \awng\aiin min thlah a. Chhùn dár 12:00-ah Thenzawlah tûk\huan kan ei a. Kan chaw eina *hotel* neitunuin, '*Ka work camp ve dâwn*,' tiin ` 200.00 min pe lêt a, a ropui hle. Chawhnu dár 3:30-ah Lunglei kan thleng a, Rev. John Raldosanga, AS-in hlim takin min lo dawngsawng a. Tlai dár 4:00-ah chhuak lehin zàn dár 7:00-ah Lungsenah zanriah kan ei a. Kan eina *hotel* neitunu hian, '*Work Camp ka thawk ve dâwn*,' tiin ` 200.00 baw min pe lêt leh a ni. Zàn dár 8:00-ah tluang takin Tuichawng chu kan thleng a. Headmaster leh thawktu ten thingpui nèn min lo hmuak a. Pathian hruianaah kan làwm hle.

10. Làwmawm loh lam : Tuichawng hi Chakma hlang khuah, In 600 vèl an ni a. Kristian an la tlém êm êm a ni.

11. Report ùl dang : Kan hnathawh hi *cement*-in a ban leh *beam* an lo chhûng tawh a. A bâk chu eng mah siam sa awm lovin 4x4 leh 4x3 tlâwnin kan chhunzawm tawp mai a ni. Zing dár 6:00 a\anga thawk \anin chaw ei lai leh chhùn thingpui ina chàwl zawkin tlai dár 5:00-ah bángin rîm takin hna kan thawk a. Zirtawpniah chuan a chung, a bang, kan pum hman hrâm a. Hmabâk a la tam hle mai.

Kan thawh chhúng hian hritláng khawsik neuh neuhvin min tlâkbuak mah se tluang takin kan thawk thei a. Thawktuten eng lai pawhin min pui reng baw. Thawktu nuho leh nula ten kan chêt ngai miah lovin ei leh in min buaipui vek baw. Ni 23 (Inrinni) zing dár 9:00-ah Tuichawng chhuahsanin, zàn dár 10:15-ah Pathian hruainain tluang takin Rulchawm kan thleng leh a ni.

R. Lalengmawia, Team ziaktu



PU DARHMINGTHANGA KAN CHÁN TA!
(1961-2020)

Pu Darhmingthanga (Te-a) hi Thingdawl khuaah ni 19.10.1961 khán Pu Chatuka leh Pi Chawiliani te kárah a piang a, unau panga zíngha a upa ber dawttu a ni.

Pu Dara hian kum 1978-ah Matric a zo va. Kum 1985 - 1987 chhúng Bualpui 'N' Middle School-ah zirtirtu hna a thawk a ni. Missionary a nih hnuah a theih ang ang zir zawm lehin - Kolasib College a'angin 1991-ah PUC leh, Hrangbana College a'angin 1998-ah B.A. a zo leh a ni.

Pi Lalrinzami nèn missionary hna an thawh dunnaah inchharin kum 1993 khán an innei a, fa pathum an nei. Pu Dara hian an inneih hmam fa pahni a nei baw. An fate (*mipa pathum leh hmeichhia pahni*) te zíngha pathumna, Tv. Gospel Lalhangmawia chu SMB missionary atána lâk niin, kumin February a'angin Bahadurpara, Seisimdung Bial, Tripura-ah a thawk a ni.

Kum 1983 khán a piangthar a. A pianthar hlim hian a \hiante nèn Gospel Team te indinin Hlabu te an siam a, zànah khawlaiahte Pathian thu sawiin an vâk \hin a. Kolasib leh Bualpuiah te pawh Pathian thu sawiin an kal chhuak \hin a ni. Kum 1989 khán missionary tùra Pathian kohna a dawng a, kum 1990-ah SMB Missionary atána lâk a ni ta a ni.

Missionary hna a thawh chhúngin hmun hrang hrangah a insawn a, hetiang hian: **Home Mission South** - *Chawngte*, Evangelist Teacher (1990 -1994); *Tlabung*, Evangelist Teacher (1995 -1998); *Bungtlang South*, Headmaster (1999); **Aizawl** - B.Ed Training (2000); **Tripura** - *Pecharthal*, Headmaster (2001); *Noagang*, Asst. Headmaster (2002 - 2008); **Aizawl** - Missionary Training (2009); **Cachar Tlangram** - *Winchester*, Headmaster (2010 - 2012); **Karbi Anglong** - *Silonijan*, Headmaster (2013 - 2018); **Aizawl** - Mission Promoter, Synod Office (2019) leh Masihi Sangati Kendra, Bawngkawn (2020).

Pu Dara hi nu leh pa zah thiam mi a ni a, u leh naute leh chhúngkhat laina hui khâwm thiam tak a ni. Nupui fanau enkawlina kawngah pawh duh tui tak a ni baw. Mi mal ham\hatna leh hming \hatna aia rawngbàwlina dah hmasaa ngai pawimawh mi, dik tak leh rinawm taka thil tih duh mi a ni.

Pu Dara hi hmangaihna ngah tak a ni a. | awngkam thiam lo leh thlum lêm lo a ni a; mahse, a thawhpuiten an nêlin an ngai hle. An rawngbâwlina hmuna mi harsa leh damlo te tán a thilphal hle. A \hen phei chu an inah awmpuiin, a theih ang angin an chhúngkuain mi harsa zâwkte an chhawmdâwl \hìn. Silonijan-a an awm lai hian Pathianin a hmang nasa leh zual hle a ni. Ringthar te leh ringlo te pawhin an ngaina hle.

Rev. F. Pachhunga, Field Secretary (Karbi Anglong Field) chuan heti hian a sawi: “*Pu Dara hi Mizo pa tak, tlawmngaihna leh mi dangte hmangaihna ngah tak, rorel leh mi dang kawm thiam tak a ni a. Hêngte avàng hian a rawngbâwlpui leh Kohhranhote pawhin an ngaina hle. Mission School-a a thawh chhúng hian a hna a ngai pawimawhin a vei êm êm a, a damsam loh deuh pawhin rei lo tê tal sikulah a kal hrâm hrâm \hìn,*” tiin.

April 2017 vêl khân chaw kawng cancer a ni tih hriat a ni a. Aizawlah inenkawlin, Zemabawk Cancer Hospital-ah *chemotherapy cycle* ruk lain a dam vek a. May 2018-ah NE Region Missionary Retreat, Ramthar Kohhrana an hmang zo, a thawhna hmuna a haw chu a awm a nuam lo leh deuh va. Dimapur (Nagaland) damdawi inah kalpui niin, chutah chuan a thluakah bâwk hmuh a ni a. June 17, 2018-ah Tata Memorial Hospital, Mumbai panpui a ni a. Thla nga zet Mumbai-a enkawl a nih hnu chuan chak vak lo chungin October thla tâwp lam khân a thawhna, Silonijan lamah hawpui a ni a.

Thla thum danah in-*check up*-in, a \um thumna, June 2019-ah chuan doctor-ten a \hat vak loh thu an sawi a. *Treatment* la thei a nih tawh loh avangin Aizawla haw chhohpui leh a ni a. | hat lam a pan hlei thei lo va, November 2019 a\ang phei chuan a kaih chhoh ta reng a, lu nain a tibuai ta baw a. December 18, 2019-ah Synod Hospital, Durtlangah luhpui leh a ni a. Doctor leh nurse-ten duat taka enkawlin thei tâwp chhuah mah se, a natna hi a lo khirhkhân deuh avângin a \ha chhuak zo ta lo va. Thlamuang leh hahdam takin ni 28.01.2020 (Thawhlelni) dár 9:15 A.M. khân chatuana chàwl tawh tùrin Krista Pasa\ha rinawm tak chuan Lalpa hnênah min kalsan ta a ni.

A tûkah I.T.I Venga an chènna inah Rev. C. Zoramawia, Secretary, SMB chuan a vui a. Kohhran mipui \hahnem takin ui tak leh zah takin Krista bâwih \ha leh rinawm tak chu an thlah liam ta a ni.

“A mi thianglimte thihna chu LALPA ngaih chuan hlu tak a ni.”



SYNOD MISSION BOARD MISSIONARY THAR MI 40--TE



Postal Regn. No MZR/46/2018-2020

RNI Regn. No. 40889/88

KRISTA PASALṬHA
PU DARHMINGTHANGA
(1961-2020)



Pu Dara hl hmangaihna ngah tak a ni a. Ṭawngkam thlam lo leh thlum lêm lo a ni a; mahse, a thawhpulten an néln an ngal hle. An rawngbàwlina hmuna mi harsa leh damlo te tán a thliphai hle. A ṭhen phel chu an Inah awmpulln, a thelh ang angln an chhúngkuain mi harsa zâwkte an chhawmdâwl ṭhin... Ringthar te leh ringlo te pawhin an ngalna hle. *"...Mizo pa tak, ṭlawmngaihna leh mi dangte hmangaihna ngah tak, rorel leh mi dang kawm thlam tak a ni a. Hêngte avàng hian a rawngbàwlpui leh Kohhranhote pawhin an ngaina hle".*

SMB RINGTHAR 2020

Sl. No	Field	January
1	Arunachal East	
2	Arunachal North	16
3	Arunachal West	8
4	Assam	3
5	Barak	11
6	Delhi	16
7	Home Mission North	24
8	Home Mission South	
9	Jharkhand	30
10	Karbi Anglong	13
11	Calcutta	105
12	Lucknow	18
13	Masihi Sangati	206
14	Nepal	8
15	Odisha	56
16	Patna	12
17	Siliguri	12
18	Tripura	73
TOTAL		612

If not delivered please return to:

The Manager
Ramthar Chanchinbu
Synod Office, Aizawl, Mizoram,
India. Pin - 796001

Published by Rev. C. Zorammuwîn and Printed at the Synod Press, Aizawl on behalf of Ramthar Association, Aizawl, Mizoram. Copies- 36,189